



UNIVERSITÄTS-  
BIBLIOTHEK  
PADERBORN

# Constitvtiones Et Declarationes Examinis Generalis Societatis Iesv

Romae, 1570

De Alio Examine Ad Solos Coadiutores accomodato. Cap. VI.

---

[urn:nbn:de:hbz:466:1-68423](https://nbn-resolving.org/urn:nbn:de:hbz:466:1-68423)



ac iudiciū Societati submittere, vel eius Superiori, ita, ut acquiescat eius sententiæ; siue inter eos illum constituat, qui in Societate professionem emittunt, & Christi Domini nostri Vicario obligantur; siue inter Coadiutores; siue inter Scholasticos Societatis, in studijs vltius progrediendo. Interrogetur vltius; si Superior vellet semper eundem solum vt Coadiutorem in rebus exterioribus Societatis curandis occupari, ac sic in suæ animæ salutem incumbere; An paratus sit in humilibus & infimis officijs se exercere, vitamque omnem in vtilitatem & auxilium eius exigere; sibi persuadendo, quòd dum ei inseruit, Creatori ac Domino suo (pro cuius amore, & debita reuerentia omnia facit) inseruit.

## DE ALIO EXAMINE AD SOLOS

Coadiutores accommodato.

### Cap. VI.

**A**D maiorem rei notitiam declaretur vnicuique ex huiusmodi Coadiutoribus latius, quod in initio attingebatur; Quòd scilicet in hanc Societatem Coadiutores spirituales, & temporales admittuntur: Spirituales quidem, qui Sacerdotes sunt, & litteris sufficienter ornati, vt in rebus spiritualibus Societate iuuent: Temporales verò ad sacros ordines non promoti cum litteris, vel sine illis, in rebus externis, quæ necessariae sunt, possunt iuuare.

Priorum magis proprium est, Societatem in audiendis



diendis confessionibus, in exhortationibus, in doctrina Christiana, & alijs litteris edocendis iuuare; His vero eadem gratiæ ad animarum auxilium communicari possunt, quæ Professis ipsis solent.

3 Posteriorum magis est proprium ( licet possint in rebus maioribus pro talenti eis à Domino concessi ratione occupari ) vt in ministerijs oïbus inferioribus & humilioribus, quæ ipsis iniungentur, se exercent; persuasi quòd Societatem iuuando, quò melius illa saluti animarum vacare possit, eidem omniũ Domino seruiant: quandoquidem propter diuinũ ipsius amorem ac reuerentiam id faciunt. Ideo pròpti esse cum omni humilitate, & charitate, quoad fieri poterit, debent ad officia, quæ eis credita fuerint, exactè obeunda. Quo fiet, ut non solùm mercedem suam integram habeant, sed participes sint omnium bonorum operum, quæ Deus per vniuersam Societatem ad obsequium et laudem suam operari dignabitur, & omnium indulgentiarum, & gratiarum, quæ Professis ad suarum animarum bonum à sede Apostolica concessæ fuerint.

4 Et nihilòminus eniti debent in colloquijs spiritualibus, ad maiorem vtilitatem spiritualem proximorum aliquid conferre, & quod nouerint, docere; & ad bene agendum, quoscunque poterunt ( quandoquidem vnicuiq; Deus proximi sui curam dedit ) excitare.

5 Siquis instructus & examinatus fuerit, ut sit futurus spiritualis Coadiutor, sic vacare debet rebus spiritualibus,



spiritualibus, quæ cum sua prima uocatione propriè sunt coniunctæ, ut in posterum directè, uel indirectè per se, uel alium innouare, aut mutationem aliquam à sua uocatione in aliam; scilicet à gradu Coadiutoris spiritualis ad Professi, uel Scholastici, uel Coadiutoris temporalis gradum, tētare nō debeat: sed cum omni humilitate, atque obedientia incedere ac progredi eadem uia, quæ ipsi ab eo, qui nescit mutationem, & in quem illa non cadit, ostensa est.

Eadem ratione si quis examinatus, & instructus 6 fuerit, ut sit futurus Coadiutor temporalis, sic se totum rebus, quæ cum sua prima uocatione propriè sunt coniunctæ, addicat; ut non curet ulla ratione à statu Coadiutoris tēporalis in statum spiritualis, uel Scholastici, aut Professi progredi; Nec etiam (si in suo eodem maneat) plus litterarum addiscere, quàm sciebat, cū est ingressus, curet: sed perseuerare magna cum humilitate debet in omnibus, Creatori ac Domino suo iuxta primam suam uocationem inseruiendo, ac sollicitè in abnegationis sui ipsius profectum, & verarum virtutum studium incumbendo.

Interrogētur huiusmodi, ut de re propria suæ vo- 7 cationis, An contenti, & quieti sint futuri in obsequio Creatoris & Domini sui in officijs ac ministerijs abiectis & humilibus ad auxilium Domus & Societatis pertinentibus, cuiuscunque rationis illa sint, parati ad vitam omnem in eis exigendā, sibi persuadendo quòd ea in re obsequium, & laudem præstant



stant suo Creatori & Domino,  
dum omnia propter diuinum ip-  
sius amorē & reuerentiā agunt.

Omnes Coadiutores tā spiri-  
tuales, quā temporales exacto  
biennio, quod experimentis &  
probationibus datur; & vno ad-  
huc anno, si Scholastici fuerint  
(vt prius est declaratum) si ve-  
lint in Societate manere, & ipsa,  
vel Superior eius contentus fue-  
rit, oblationem suam triū voto-  
rum facient (quæ publica, licet  
non solemnia sint iuxta litteras  
Apostolicas Iulij III.) Obedien-  
tiæ, Paupertatis, & Castitatis, vt  
initio diximus; Et exinde Coa-  
diutores formati vel spirituales,  
uel tēporales censendi sunt; ita,  
vt \* ex parte ipsorum ligati ad  
semper uiuendum & moriendū  
in Domino in hac Societate ad  
dininæ Maiestatis gloriam, ma-  
iusque meritum & stabilitatem  
propriam maneant. Nihilomi-  
nus Societas, vel eius Superior,

*iustissimis (vt in secunda parte Constitutionum videbitur)  
fieri debet.*

In Cap. VI.

**A** ¶ **E**x parte  
ipsorum  
conuenit eos liga-  
ri: quandoquidem  
eorum stabilitas  
queritur. Nec est  
iniustum (vt patet  
in litteris Aposto-  
licis) si Societas  
libertatem ad eos  
dimittēdos, quādo  
non faciunt quod  
debent, retineat;  
quādoquidem illi,  
si id accideret, so-  
luti manent: &  
alioqui facilius est  
aliquē ab eo, quod  
debet, deficere,  
quā Societate,  
vel eius Preposi-  
tum Generalem;  
quorum tantū erit  
posse dimittere;  
nec id sine causis

qui



qui commune bonum debet intueri, cum eorum opera ad maius Dei obsequium se non iuuari, sed contra potius accidere cerneret; eos dimittere, & à sua congregatione separare potest; & tunc illi omnino liberi, nulloque voto obstricti remanent.

In Cap. VII.

**A** ¶ **H**oc, & superius examina non solum ijs, qui tunc primùm ad studia mittuntur, verùm etiam illis, qui in eis progrediuntur, cum ad domos veniunt, vt aliò mittantur, proponitur.

fuerit; antequàm ad studia se conferant, vel dum in eisdem manebunt, ob suum maius meritum ac stabilitatem vota simplicia Paupertatis, Castitatis, & Obedientiæ, ac promissionem, quòd studijs absolutis in Societatem ingredientur, Deo ac Domino nostro facient. Sic autem intelligendus est huiusmodi ingressus, vt professionem vel vota Coadiutorum formatorum (si Societas eos admittere volet) emittant; & exinde Scholastici approbati Societatis censeantur.

DE \* ALIO EXAMINE' A

Scholasticis accommodo, ac in primis antequàm in Scholasticos admittantur.

Cap. VII.

**C**VM experimentis & probationibus prædictis absolutis,

Scholastici conuenire sibi iudicarent studendi gratia in Collegijs, vel Domibus Societatis, vt in eis in Domino sustententur, litteris operam dare: si Societas, vel eius Superior contētus etiam

scan-